

宋

會

要

全唐文

宋會要 市糴雜草

太祖建隆元年正月詔江北頻年豐稔穀價甚賤宜命  
使置場添價散糴粳糯以惠彼民太宗太平興國二年  
七月詔斬宦官周庭峭坐齎詔至宋州視官糴檀離羅  
所出城飲酒遺失詔書故也至道二年八月詔江南兩  
浙淮南諸州置糴分遣京朝官蒞之以歲歉故也三年  
五月詔曰國家大本食足為先今億至蕃未聞有九年  
之蓄朕甚憂之宜令兩制議致豐盈之術以聞仍令三  
司及茲歲稔大為市糴以資倉廩真宗咸平四年五月  
詔陝西今歲物價甚賤乘茲有秋可以齊實過庾况宿

卷一百一十五

兵速戍不可無備宜令兵部員外郎鍾正乘驛與本路轉運司增價市芻粟廣儲蓄以息編氓飛輓之役十月詔曰沿邊堡障式遇寇戎歲屯銳虎之師日有資糧之費雖賦調無闕而轉餉頗勞永言疚懷不捨中夕況今混同文軌富有寰區山澤之利無窮農桑之業增厚將欲豐儲峙於邊鄙免飛輓於黎屯乃眷計臣實主斯任勉陳良畫以副虛懷宜令三司衆官議軍儲經久之制務令濟辦不致擾民條件以聞朕將親覽乃命吏部侍郎陳恕監議五年正月帝謂宰臣曰河北穀價自止官糴及蠲常賦已漸減價然亦未甚賤民間猶有食野生牢豆者此且頗無味加之苦溢飢民食之深可嗟憫加

之乾寧定遠軍尚有積水田野間亦無此豆猶賴乾寧  
惠民倉有粟萬餘斛可以賑卹帝憂民之念皆著此矣  
七月命度支使梁鼎與河北轉運使耿望計度饋運芻  
糧先是三司止移文責成外計而未嘗規畫故有是命  
六年正月度支使右諫議大夫梁鼎言陝西軍沿邊所折  
中糧草率皆高抬價例倍給公錢止如鎮戎兵米一斛  
計虛實錢七百十四而茶一斤止易一斛五升五合五  
勺顆鹽十八斤十一兩止易一斛粟米一斛計虛實錢  
四百九十七而茶一斤止易一斛五升一合七勺顆鹽  
十三斤二兩止易一斛草一束計虛實錢四百八十五  
而茶一斤止易一束五分顆鹽十二斤十一兩止易一

東又鎮戎軍在蕃界渭州在漢界而渭州白米每斛價  
錢高於鎮戎二十環州在蕃界慶州在漢界而慶州白  
米每斛價錢高於環州六十粟米每斛錢亦高三十以  
日繫時潛耗國用倘不釐革必恐二三年後茶鹽愈賤  
邊食愈虧檢會嚴信咸陽任村武定渭橋等倉見管諸  
色糧斛七十九萬餘石請以春初農隙併力輦送沿邊  
其沿邊州軍計所屯兵有一年以上儲備則止以將來  
二稅轉換支填如不及一年處則以上件糧斛增備年  
計<sup>才</sup>足<sup>材</sup>即住折博然後鹽則仍舊官賣草則止令沿邊  
於夏秋間<sup>緣</sup>科錢內折納取年支足用況今來支用比舊  
已增一倍倘不速為此計異日匱乏必須自京輦運供

儲矣又言中書令計度輦運科撥夏秋二稅者竊以陝西沿邊除鎮戎保安軍各近蕃界不可大改儲積所須糧草止逐時輦運常及半年已上外其渭原涇三州即西路屯兵之處請令興鳳翔華儀隴五處人戶輦運糧草仍支此五處二稅於上件三州輸送其三州二稅即令輦運鎮戎軍糧草環慶二州即中路屯兵之處請令同耀乾邠寧五州人戶輦運糧草仍支此五州二稅於上件輸送其二州二稅並於沿路鎮寨輸送延州即東路屯兵之處請令解河中丹坊鄜五州人戶輦運糧草仍支此五州二稅於延州輸送其延州二稅即令輦運保安軍糧草其陝虢商三州請令於今興軍輸送其逐

則示教

卷一百一十五

慶本州軍所備年支糧草則止令五等以下人戶供輸  
秦鳳階成四州地里稍遠其二稅請令輸於本郡如上  
件三路屯兵處輦運科撥不及一年以上儲備即且留  
沿江茶引許商旅入中添填又言禁止解池鹽貨請勿  
更通商官自出賣其禁榷條件當別具經畫詔以鼎狀  
下輔臣議呂蒙正等言鼎憂職徇公所言可以助邊遂  
以鼎為陝西制置使鼎又薦屯田郎中楊覃為陝西轉  
運使右司諫張賀副之皆可其奏仍賜覃賀金紫九月  
出內府綾羅錦綺計直百八十萬命監鉄判官朱台符  
與河北轉運使定價出市糴糴實邊以河朔大稔故也  
十一月帝曰昨輦內府物帛赴河朔博糴斛糴蓋乘其

豐稔以資軍實且聞轉運使品定未當至如寧邊軍民  
籍最少與瀛州大郡所定數同足駭不均必慮煩擾於  
民漕運之司急於邊備必不以聞乃命太常丞祕閣校  
理戚綸乘傳體量與轉運使副度民力而行之景德元  
年正月免府州蕃部博糴芻米粟九月詔出內庫銀三十  
萬兩付三司送天雄軍博糴軍儲先是有司上言帝從  
其請仍於所定價內每兩減錢百五十文詔河北轉運  
司命鎮定兩州博糴軍糧五十萬碩並從計司之請也  
閏九月內出銀三十萬兩付河北轉運使貿易軍糧命  
國子博士張紳祕書丞陳綱大理評事祕閣校理劉筠  
與轉運使經度其事三年正月五日就遣河北安撫侍



御史高貽慶往鎮定州廣信永定等軍按視軍儲興轉運使等計度移易博買勿令闕備先是三司言昨大兵會於鎮定等處所費芻粟尤廣慮其失備望遣朝臣按視之故也十九日罷晉絳等七州博糴芻粟從右正言知制誥陳堯咨之等請也八月十日詔河北轉運使今歲河朔大稔於應通水路州軍增錢和糴務廣儲蓄樸廉幹官員督領之仍示以勸賞十三日詔令三司抽羨商旅茶許民就西京白波鞏縣及沁河倉入粟博買十六日命殿中丞周實與西京陝西轉運司同選差官和糴仍示以勸賞帝以歲稔穀糴頗賤議優其價值以時收歛庶惠農民且欲廣致軍儲故也九月西京轉運使

鄭文寶等言請於部內州軍等第分配坊郭之民糴買  
芻粟以充儲蓄又言請自京給大方茶并晉絳州布七  
萬匹付轄下州軍依河東例和糴軍儲知河南府溫仲  
舒又請等第配糴帝以其擾民弗許所須儲蓄令三司  
經畫以開十月帝謂權殿前都虞侯劉謙曰此月諸班  
糧米所支粗惡興无樣不同宜令赴倉換之諸班指揮  
使皆言米雖陳次然多已費用願不復換許之仍詔各  
特使米一斛拜謝而退倉司官吏抵罪有差十一月詔  
河北州軍百姓商旅糴穀入官所給錢價出城門者勿  
禁三年正月十四日罷近京諸州官市芻以農事將興  
慮擾民也四年五月并代州都鈐轄韓守英等言本路

蜀糧煩民饋運今邊方寧靜欲量留騎軍三兩指揮餘  
乞抽赴河東屯泊帝曰邊臣有此經度蓋深體恤民之  
意宜可其奏令諸路提管准此行之八月十四日出內  
庫錢五十萬貫付三司市菽麥時宰相言今歲豐稔菽  
麥甚賤錢多為富民所蓄穀賤傷農請官為斂糴以惠  
民故也十二月詔諸路所有軍儲之數自今先下樞密  
院籍訖送中書蓋凡遣戍兵必預度所在資廩豐約故  
也大中祥符元年二月詔河北河東陝西路轉運使遣  
官和市軍糧先是<sup>諸州</sup>積穀可給三歲即止市糴慮損  
腐故也時連歲大稔因令增蓄靡限常數以備轉饟二  
年六月帝謂王欽若等曰府界提點使臣言考城縣發

廩散軍儲咸濕潤腐敗積久即人不堪食已令勘鞠恐  
非止一縣如此可速令三司遍詣諸路察視軍食以時  
暴涼勿令損敗十月江淮發運使言淮南江浙荆湖諸  
州軍年穀大稔穀食至賤詔委所在長吏增價收糴以  
惠農民三月九日罷江淮和糴五年五月出內藏庫錢  
百萬貫付三司歛糴軍糧以實邊卽是歲諸州言歲豐  
穀賤咸請博糴帝慮傷農卽詔三司使丁謂規畫以聞  
謂言莫若和市而諸州積鏹數少故出禁錢以佐用度  
十一月詔河北轉運使自今歛市爲糧宜就瀕河州六  
月十七日帝謂宰臣王旦等環慶等州言物價皆減賤  
又出公還諸州所奏儲峙物數因謂旦等曰夏麥雖稔

至於和糴當優給其價仍支見錢其博糴亦應驛民不  
易旦等曰便糴亦以他物準折與博糴同農民俱為不  
便帝曰國家所責惠農民當令丁謂規畫以聞二十日  
帝謂王旦等曰諸道皆奏豐稔京東州郡物價尤賤比  
今有司增價和糴以惠農民當更中警之八月詔三司  
宜乘時積穀聚於陝西及緣河州軍以備歉歲十月詔  
西京市糴軍糧轉運使止當勸誘無得迫促時轉運使  
於西京市糴條約過當民不如約則杖之故特禁止十  
一月帝謂王旦等曰京畿近日物價稍高蓋緣平糴之  
處三司許其饒價朕竊思之便令罷去又竊於儲蓄或  
忘其歛糴又恐傷民其詔在京常平倉及畿縣收糴之

處並令減下糴價更不繫峻鈴轄詔曰乘彼豐稔有歛  
粟之期阻於往來非通商之道務從民便特軫朕懷應  
今後百姓商旅將帶斛斗各任便逐處糴貨官司不得  
輒有禁約如敢固違當行朝典十二月十二日遣常參  
官於麟府州置場和市軍糧時河東豐稔米斛百錢成  
人以茶一斤易米粟一囊州縣利於轉送不即歛糴故有  
是命仍詔止一年轉送十五日帝謂王旦等曰訪聞河  
北河東諸州軍糴博列斛斛甚多為闕教舍並權積於  
寺院內憲逐州軍見為數多遂懈慢不即收糴可詔逐  
路轉運使連以空閑公宇或係官舍屋盛以因倉稟仍依  
元降條貫多方歛糴務要廣有儲擬仍逐旬具數以聞

卷一百一十五

六年五月大理寺丞劉有政言今後和糴州軍許令小民收糴口食外並依三司起請即不得有妨官中收糴其價夏以五月秋以九月悉用中司價量增之以為定額詔付三司定奪以聞十月詔今歲秋成如聞諸路和糴均於民戶願有煩擾可令河北陝西京西轉運司各蠲其半可令中等戶以下免之十一月五日詔陝西州軍平糴斛斗宜令太常博士周嘉正與本道轉運司勘會如合諸積州郡即連令收糴仍許就便輸納其不須准備州郡即勿一例施行十五日詔曰朕以淮甸與區頻年薄稔雖已臻於豐歲尚深惻於予衷屬在秋成方茲平糴顧邦儲之誠切慮民食之猶艱將致阜康宜厚

收飲用申存卹當體至懷宜令轉運司疾速指揮權任  
和糴先是帝以淮右今年雖熟尚慮民間未得豐足故  
有是命十二月三司請於畿縣和市爲粟詔中等以下  
戶免之七年二月帝曰臣僚上言陝西州軍不依勅催  
置收糴斛斛乞差中使重定戶等王旦等曰請只令轉  
運司條析其實并具置十平直人等因依聞奏八月詔  
曰乘彼豐登是宜積穀阻其價販豈曰通商特頒優假  
之文庶協公私之便應百姓商旅將帶諸色斛斛並取  
便於州縣及上京糴貨逐處糴場不得約攔收糴如敢  
固違重行朝典宜令逐路轉運司下逐州軍出榜曉示  
九年七月令陝西州軍秋稼登稔去處官糴糧斛無使



使傷農初使臣自西來者言廊延華州歲稔陝西轉運使上言秋苗豐茂宰臣奏曰物賤傷農請行平糴故也天禧元年十二月詔河北定莫州廣信保定軍所儲軍糧不及三年以上宜令轉運使比常年減數使糴自餘州軍權住便糴一年河北河東諸州言見管芻糧萬數不少近年支遣殊虧伏慮漸益損腐望權發軍馬赴內地州軍駐泊以就支費詔發軍馬天雄永興永靜河陝貝冀瀛鄆磁相懷澤潞慈隰石乾耀華等二十一州軍仍令沿邊安撫司具此意以報契丹無使妄有猜懼二年閏四月十四日詔應依年例合收糴斛斛去處令三司不得直行文字仍令旋具奏聞十六日詔河北州軍

今年夏稔宜令轉運司計度沿邊州軍糧草如不及三年合收市為備者件析以聞十一月十七日起居舍人呂夷簡言澶魏豐聚望出內藏錢二十萬貫市為糧從之三年九月西染院副使內侍押班周文質言西邊苗稼登實望於鎮戎軍等處別置教庾入中糴軍糧五七萬斛詔陝西轉運規度以聞十月工部侍郎集賢院學士馬亮言淮南州軍薄稔商旅有自兩浙轉粟而販鬻者以給民食今官市之其價增倍望令權罷和糴詔發運司詳酌以聞四年八月出內庫錢五十萬貫付三司市菽麥時宰臣言今歲豐稔菽麥甚賤錢多為富氏所蓄穀賤傷農請官為歛糴以惠之故也九月太子太保

王欽若言請令江淮制置使罷雇民船兩浙南權罷和  
糴聽商旅入中並從之十二月詔如聞河北軍州假民  
錢市糧斛慮成搔擾止之如已假得錢即時給還所須  
軍儲委轉運使別為規畫乾興元年三月陝西轉運使  
范雍言滄州歷亭縣等處每年廣收糧斛乞修置倉教  
差官收糴詔轉運司相度無妨即依所奏施行仁宗天  
聖元年正月詔河北河西糧草須及時準度仰於三司  
內藏庫撥發錢帛或羨剩官物可以變轉者預先計度  
脚剩津置以備向東去時糴市糴糧草中書密院與三司  
相度利病以聞七月十七日詔於河北見勾當朝臣內  
選差一員乘遞馬往沿邊提舉便糴糧草以是歲河朔

衆

秋稼大稔令及時蓄儲邊備故也八月陝西轉運使范  
雍言汧邊州軍和糴入中軍儲合差官往彼請受外乞  
給與驛券仍據和糴入中到斛斛等第酬獎如及得元  
挽教乞優與酬獎及七分以上者至得替日磨勘理為  
勞績及五分以上者得替日與家便近地一任不及三  
分者乞從本司取勘中奏量與責罰其當路知縣及獨  
員監司自來不許差遣之處望特許差使詔可其請又  
之奪所言河北汧邊州軍寨依新法便糴糧草及常平  
例糴買糧草所差監官亦乞依范雍所奏陝西例施行  
從之閏九月淮南江浙荆湖制置發運司言乞下逐路  
運司於人戶所納苗稅上每石量糴二斗五升合糴得

二百萬石所貴數越年額上供帝曰常賦之外復有重  
糴之名必恐勞民令別規畫三年十月五日權三司使  
公事范雍言和糴和買糧草有未便事謹條言之一天  
下和糴和買夏秋糧草雖逐處開場多被經販行人小  
估價例外面添錢收買候過時乘官中急市即添價却  
將糴買者中賣兼多方拌和均減致糧草怯弱又枉費  
官錢不少乞自今和糴和買須及時早開場委知州軍  
同通判與監官當面勅行人依在市見賣價例估定錢  
數仍須趁時糴買不得容信作弊直至過時大估價錢  
得怯弱糧草枉費官錢更委轉運司專切提舉違者勘  
罪以聞仍乞每年約束遵守施行一諸州軍縣鎮津步

館驛逐年所要支糧備草並是轉運司預行文字令約度  
支撥或即糴買其如逐州軍人吏等多是作樂矇昧官  
員直候非時闕絕本處申報便差倩街坊百姓及鄉村  
人戶轉搬往彼轉運司不能盡見勞擾妨費農事吏緣  
為姦為害甚大乞令轉運司每年逐處長吏躬親約度  
管內倉驛合要糧草申報如有司支撥即撥與稅物  
送納如無可支移即令本處多方趨時糴買湏令及得  
年支數目今後更致闕乏之處並仰本處未得便差人  
夫轉搬湏申轉運司委本司先且取勘本州干繫官吏  
依法施行訖方與相度擘畫應副仍乞每年科撥之時  
檢舉施行並從之十二日淮南等路發運司方仲荀等

言淮南兩浙州軍和糴甚有監官因循信容專斛及諸色人作弊致得粗弱斛斗泊裝發至卸納地頭多稱不堪上供乞今後應和糴斛斗裝發至卸納倉場如監得粗弱不堪上供即委自知州同判入倉同與監官勾集綱稍人員對衆子細看驗如委實粗弱不堪便勒行人定驗紐計虧官價錢并枉費輟輦請受牒元糴州軍勘斷監專斗級於合分攤人名下剝納入官雖遇赦恩並不原放以斯條約必絕奸欺從之十一月十六日翰林侍講學士刑部侍郎孫奭等言詳定到河北沿邊州軍寨便糴買糧草支與香茶見錢三色交引委得久遠利便其客旅於在京權貨務入納錢物筭請茶貨欲於入

納寔錢內金銀物帛上等第卽與加饒所有十三山場  
筭請茶貨欲更不貼射依舊於在京榷貨務及本處入  
納錢物筭射及十三山場買茶每年朝廷差使臣於山  
場秤<sup>盤</sup>欲今後只委制置司鄰近差官從之四年五月  
都官員外郎吳耀卿言淮南州軍在市米價翔貴尋問  
因依多言官中和糴繁急是致小民闕食發運司務要  
敷起年額湏至催督乞朝廷勘會在京見在斛斗數目  
於咸平景德年額內酌中立一等為定額詔下發運司  
仍令三司立定年額閏五月二日三司言荆湖江淮南  
四路州軍米價每斗或七十至百<sup>文</sup>足多言和糴場繁  
急欲得糴及萬數應副上供伏覲延平景德年中上供



斛斗不過四百五十萬比至近年六百五十萬乞於逐年供數內酌中取一年為定額詔三司於上件年額船般斛斗六百萬碩上供數內權減五萬碩起自天聖五年後每年以五百五十萬碩為額不得別致虧欠從之八月京西轉運司言轄下州軍各闕糧儲欲乞於近便州軍權支見錢三五十萬貫赴當路收糴軍儲準備支遣從之是月三司言河北陝西等路州軍客人入納糴買糧草交引自前客人賣到文抄赴省投下翻換正勾文貼元限十日點算行遣發放伏緣日限數多恐有住滯今欲減定日限前部限五日點勘行遣押印送勾院即限兩日對勘書押發放從之十月八日京西路轉運

司今歲秋成斛斗稍賤乞下三司支撥見錢及時收糴  
詔令三司支錢二十萬貫半於內藏庫支半於左藏庫  
或權貨務給付二十三日戶部副使王博文言乞降勅  
令下陝府西路轉運司令專竊提舉當職官吏及時催  
納今歲糧草從之五年正月上封者言體量得河北諸  
州軍每年和糴便糴斛斗萬數不少官中估價不抵從  
來被諸色行人等將來糴米兩色入糠及秕穀用溫水  
拌和入中在倉教及一二年間便有陳次黑弱伏乞嚴  
行科斷詔令河北轉運司依先降勅命嚴行幹轄其將  
糠秕及水拌和溫潤斛斗入中人等所犯情理重者奏  
裁十月三司言陝西十一州軍本處官員使臣等將收

糴便糴博糴納到糧草家合為數乞行酬賞省司勘會  
其收糴博糴糧草數少便糴數多詳酌蓋是監糴官員  
使臣不切用心趁時收博致通時却就貴價入便欲乞  
別立定等第賞罰肯得用心每年拋降夏秋色糧草與  
逐處收糴博糴轉運司於別州軍舉差官員使臣往彼  
專監入納者其收博便糴糧草各及得元批萬數即依  
元年八月勅酬獎所是本處官員使臣監當者緣係本  
職勾當候得替日令轉運司勘會逐年收博便糴糧草  
數目各及得分數即與保明申奏所貴用心收博得萬  
數與免一向貪數入便其不係博糴州軍即以收糴便  
糴兩色數目各別比附施行其同監并提舉官員使臣

不得一例乞行酬獎從之六年六月詔令三司於在京  
權貨務支撥錢二十萬貫與京西轉運司分劈收糴斛  
斗以歲豐穀賤故也十月河北轉運司楊嶠王汾言乞  
差請會遣上糴便糧草清強官一員赴汾遘州軍專切  
往來提舉從之又言汾遘州軍自六月後遭大雨山河  
汎漲滄滯人戶田苗已準近詔除放秋稅并其餘乾寧  
安肅軍深州又次遘州軍亦是水災各差官員體量檢  
覆以等第減放稅物當司勘會轄下州軍即日逐處所  
管糧斛不多竊覩近歲近裏州軍秋田比常年豐熟本  
司雖已依常平例下逐州軍置場收糴緣闕見錢近蒙  
自京支撥見錢三十萬與本司糴買糧草約行五十萬

石已來深慮遇時為豪民兼并之家起賤收糴官中無  
可計置須至擘劃接此近襄州軍豐歉之際除依常平  
例於沿邊并近襄州軍收糴入使外更乞於沿流安利  
天雄永靜軍相貝州及德州將陵貝州歷亭縣共糴斛  
斗百萬石選差官置場招客入使所有逐色每斗添抬  
錢數并支還客人行貨則例乞下三司相度定支省司  
勘會乾興元年九月十五日敕次遠近襄州軍便糴斛  
斗細色每斗添錢十五文粗色十文仍以百千為色依  
舊例分支香茶見錢三色下項開坐所準敕命雄霸莫  
順安保定信安等六州軍昨經水災去處撫定便糴收  
糴斛斗三分中校減二分却於近襄沿河天雄軍等

虔便糴收糴其添饒則按還則例欲依乾興元年九月勅  
施行二十五千支向南閣慢州軍見錢三千支茶交引  
四十五千取客穩便糶射香藥象牙並從之十一月京  
西轉運司言穀價每斗十錢恐太賤傷農乞下三司及  
早市糴七年二月六日臣僚上言諸州軍逐年夏秋例  
各置場和糴入中諸般糧草準備軍湏其中亦有所定  
物價高大所入糧草位弱察其弊源蓋逐處官員自將  
收獲職田及有月俸餘剩或糴買粗弱斛斗中糴是以  
互相容隱不惟虧損官錢兼且倉庫敗守支易為損惡以  
至軍人請得陳次口食或形嗟怨之語已嚴止絕如今  
後尚故輒田月俸及粗弱糧草假立他人姓名中納入

官者許諸色人告論其糧草不計多少收沒入官所犯  
官員科違制罪仍於所犯人處每一石收錢五百一束  
收錢五十文給與告者更別許指射本州優輕廂鎮或  
酒稅場務勾當一次以為酬獎委轉運司每遇開場之  
時備錄出榜告示官員令知從之六月殿中侍御史朱  
諫言竊聞今春河北客旅從御河載斛斗往還上州軍  
入中經由潮河界河多將糴與北界人乞委轉運司選  
官於乾寧軍同共點檢往沿邊州軍入中客旅舟船斛  
斗抄上文簿候邊上入中訖照會元抄上數目毀抹詔  
轉運司安撫司疾速密切相度以聞七月詔令內藏庫  
權貨務各支錢十萬貫與陝西河北收糴斛斗準備水

災人戶闕食八月十九日三司言西染院使盧鑑狀陝西沿邊諸州見管軍儲甚有夾雜粗惡斛斗本路轉運使躬親檢點其手分專副雖已行遣及令兼帶支遣蓋緣元差監官為見朝廷著令有大段入中得斛斗即與陞陟故務要增令盈萬數僥求酬獎况在邊陲事干兵衆不便乞今後應沿邊州軍所差監入中官員如今該酬獎乞下本路轉運使副因往轄下巡歷躬親看驗如得堪好軍儲并及得元定萬數即具保明聞奏方與酬獎如意在僥求及有別欺弊糴下粗惡斛斗<sub>連</sub>不堪軍食雖已替移並令申奏特重行遣仍理科罪三司檢會近准天聖五年十月九日詔每年挽降夏秋色糧草與



逐處收糴便糴博糴轉運使於州軍差官往彼專監入  
納者其糧草及得元拋萬數即優與酬獎七分已上替  
日磨勘理為勞績五分已上替日磨勘與家便近地一  
任差遣如只是便糴得數多收博數少並不酬獎其本  
處官員監當替日令轉運司勘會逐年收糴便糴博糴  
糧草數目及得上項分數即與保明中奏酬獎若不及  
三分以上即取勘中奏量與責罰省司看詳陝西沿邊  
十一州軍監糴便官員已有上件酬獎條例欲今後夏  
秋收糴便糴博糴並入到一色新好糧草堪任貯積軍  
馬支食其監官酬獎一依條例施行如內有不盡公心  
意在撓求及別有欺弊其監官雖已移替並依鑑所奏

施行從之九月三司言知河南府王隨并京西轉運司  
上言乞於在京權貨支撥見錢十萬貫文收糴軍糧省  
司勘會今年四月中河東轉運司孫冲奏於轄下那得  
見錢十萬貫在本路封樁欲令那撥五萬貫文赴懷州  
下邳令京西般取從之十月二日中書門下省言河北  
經水災州軍少闕糧草去處欲令三司疾速經度以聞  
從之六日三司言河北沿邊十四州軍寨合要添備糧  
草已牒逐處告示客旅入便處恐官吏不切疚心乞選  
差幹事朝臣一員提舉從之十一月三日三司言西京  
管界今年大熟欲許客旅於彼處入納諸色斛斛依市  
價每十貫七百文令取便指射自京東京西及向南州

軍見錢如願要香茶及顆米鹽白礬等交引並聽從之  
十六日河北都轉運使胡則言勘會邊上州軍內有糧  
草只得一半或半年支遣及保州廣信軍馬料全少自  
初秋降數入便至此無並客旅中絀乞依今年閏二月  
定到則例招客入便候有備即依舊法施行詔保州廣  
信軍少闕馬料令轉運司於側近那撥應付如須至差  
倩等第人戶亦仰相度不得張望<sup>格</sup>撥擾仍令轉運使王  
汾<sup>汾</sup>析自來如何劈劃計置致今來闕欠具詣實以聞  
二十一日三司言近點檢河北沿邊保州廣信軍馬料  
見在<sup>馬料</sup>不及年支并真定府等處人糧馬料數少竊慮不  
切計度有悞給遣乞降勅本路據糧草數少州軍疾速

先次營度支撥添給無致闕悞從之二十六日三司言  
河北都轉運使胡則等言乞自京與般見錢百萬貫與  
當路相添糴買糧草令三司劈割應付今勘會今年七  
月中在京支撥見錢二十萬貫與河北收糴斛斗只般  
取過十一萬貫外尚餘九萬貫若便錢支撥不惟在京  
支費浩濶兼緣少得腳乘應副不及乞下河北轉運司  
據在京已支下未般錢數疾速般取及就近計置收簇  
諸色課利錢糴買糧草從之八年正月十八日三司言  
臣僚請河北沿邊州軍今後使糴斛斗專委轉運使副  
一員提舉如便糴監官入中到三十萬碩以上得足者  
與升差遣從之五月詔河北轉運司今後沿邊諸州軍

寨每年入便斛斗令轉運使副自入中使不須住經畧  
點檢仍令逐處知州軍同判等常切提舉使糴官員使  
臣等用心入便堪好斛斗及得元降數目將來支遣別  
無粗惡不堪其使糴監專等仰具保明申奏特行酬獎  
若監專等不切用心取受顏情告屬入便下夾糴粗弱  
不堪斛斗致有虧損官物其監官及轉運使副知州軍  
同判等並各勘罪當議等第重行朝典所有虧官剝納  
價錢並勒專副等填納入官具數聞奏當行決配餘依  
前後著令十月三司言河北西邊入便糧草欲乞依去  
年例每百貫內支三十五千見錢二十五千香藥象牙  
四十千茶交引所肯招誘入便豐得近邊軍食從之寶

元二年九月九日三省言準敕收買稈草一千萬束行人估定每束一十三斤末等價例一十九文省司欲依估價依舊例更支腳錢五文收市詔令三司特更添五文餘從之三年二月十六日三司言乞借內藏庫錢八十萬貫於陝西市糴糧草候淮南般到錢依數撥還從之慶歷四年三月九日詔三司令逐路轉運司今後每遇秋夏豐稔不限斛斗数目廣謀收糴皇祐二年七月賜內府絹一百萬下河北都轉運司權易大名府路無撫司封樁錢市糴軍儲仍遣權三司度支判官重沔往計置之十一月詔河東秋稼大豐其令三司廣糴暹儲閏十一月賜內藏緡錢四十萬細絹六十萬下河北便

糴糧卓時河朔頻年水災朝廷蠲民稅幾盡至秋禾稼  
將登而鎮定復大水北邊尤被其害帝憂軍儲不給故  
出內府錢以助之四年七月三司言開封府諸縣第四  
等以上戶歲共市卓三百萬束請以登萊州端布每匹  
折價一千三百六十沂州匹布一千一百又帝謂輔臣曰  
折價太高則恐傷民宜減端布為千二百匹布千錢五  
年五月詔諸路轉運使上供斛斗依時估收市毋得抑  
配人戶仍停考課賞罰之制先是三司與發運司務為  
聚歛奏諸路轉運使上供不足者皆行責降其歲漕輸  
額則升擢之以是貪進之士競為誅剝而民益不聊生  
故降詔至和元年八月九日權御史中丞孫抃言昨以

許曹陳鄭滑等五郡近畿內今復添官屯田望乘秋稔  
特出內金以賜五郡糴買斛斗詔令京畿轉運磨勘計  
置不管闕候十一月四日判大名府賈昌朝言勘會昨  
支給內帑錢帛八十萬下河北都轉司分諸州軍赴時  
收糴軍糧內大名府收糴夏麥外錢數全少乞大名府  
權許客人入便斛斗三五十萬準備緩急支遣詔下三  
司令人便五十萬石另行椿管五日昌期又言勘會河  
北沿邊諸州軍入便斛斗乞下都轉運司赴此豐稔令  
逐州軍依數入便詔三司令人糧三百萬馬料一  
百二十萬石二年十一月二日臣僚上言河北收糴入  
便夾帶粗潤斛斗在內欲乞今後委是堪好封樣一斗



赴轉運司看驗所貴激勸官吏各務用心便糴軍儲從之五日知并州龐籍言乞支撥清汙絹三十萬匹折博收糴糧儲詔三司依數支撥應付赴此豐稔置糴斛斗勿令過時嘉祐三年八月詔三司西京比歲旱屢蠲民租其以緡錢十萬下本路助糴軍儲五年三月詔三司自來河東路和糴糧草支一分見錢三分茶自今並以見錢給之以上國朝會要治平四年三月十九日神宗即位未改元三司言在京糶米約支五年以上欲乞於上供年額六百萬碩內將五十萬碩自今年冬發運司權住起發體量米貴處與減和糴數目却令買金銀絹帛上京候約支不及四年即添三二十萬碩將上件錢

帛於權貨務封樁分與三路以備軍湏候充羨即留在  
京從之神宗熙寧二年八月十八日龍圖閣直學士陳  
薦言訪聞河朔今歲豐稔倍常將來物價必賤甚易收  
糴望令河北使糴官吏將所拋斛斗萬數約逐處在市  
寔價量估定米湏糴及七分以上乞自今後米與粟中  
半收糴仍乞候每歲住糴之後選差官遍詣便糴州軍  
點檢如不及分数及有糠粃夫糴應干繫官吏乞重置  
法於從之九月陝西轉運司言本路秋稼豐稔別無見  
錢收糴永興軍封樁銀二十餘萬兩乞借支本司廣謀  
收糴斛斗以寔還廩從之三日詔借權貨務封樁折斛  
錢與在京開封府界諸縣市糴據所糴數為來年發運

司上供年額今本司償以金帛十一月十六日詔以今  
歲豐稔權立河東河北陝西路監糴官優厚酬獎之制  
閏十一月降空名祠部二千道付鄜延安撫司白童行  
及客人進納見錢收糴斛斗充安撫司封樁如情願入  
納折充錢數者亦聽其合進納價錢數目並令安撫司  
相度仍限至三年夏季終納足十二月十八日河北都  
轉運使羅司言熙寧二年分緣斛斗准朝旨只糴三百  
三十三萬碩碩糴草四百萬束約度未至有備乞續拋糴  
草二百萬束及乞許將近裡糴五十萬碩斛斗於緣還  
拋定斛斗三百三十萬碩數外糴入從之三年正月二  
十二日制置三司條例司言檢會編敕軍人食不蓋月

糧口食並許生倉糴入官自來河北河東陝西州軍少  
闕省錢多不施行欲乞三路如闕見錢許提舉常平倉  
司生倉收糴以備依散如合留充軍糧支遣即却令撥  
充和糴或入中倉從之四月二十四日權三司戶部判  
官皮公弼言乞河北便糴司於大石府等處差官置場  
寄糴斛斗從之仍今後令便糴司相度如今寄糴即一  
面施行七月一日詔昨罷諸路賣度僧牒本以令商人  
併趨廊延入錢以助邊計今廊延所賣之餘存者無幾  
環慶地險土狹財賦數號不充方邊事未息防秋是時  
可賜度牒千道付經畧司令依廊延法召商人入錢封  
椿以半糴邊儲備支費是月賜河東經畧司安撫司鈔

緡十萬匹今於轉運司年計外變羅府糧草八月十  
三日權三司使吳充言三路屯聚士馬費用不貲河北  
沿邊歲於權貸務給緡錢二三百萬以供使羅非汎應  
付不在其數陝西近年出在<sub>左</sub>藏庫及內帑銀錢緡絹數  
百萬計河東歲支上京交鈔不少當無事之時常苦不  
足乞自明年歲減江淮漕米二百萬石委發運司於  
東南六路變易輕貨二百萬緡五年外漕米如舊所得  
無慮緡錢千萬轉致三路封樁寬為期限與民變轉見  
錢兼令商人入粟優給物貨委提照刑獄司主管仍以  
三司封樁平糴備邊錢斛為目三司歲遣官三兩員點  
檢催促詔三司度可否三司請如充議從之仍詔止撥

往河東陝西要便州軍充管依常平新法量穀貴賤糶  
糶先是充奏至王安石以為此錢當付之常平常平新  
法本所以權邊糶待緩急故也曾公亮以為不然上令  
付常平如安石議公亮曰三百萬碩恐太多不如止百  
萬碩可也安石曰今必欲變二百萬碩米則米斛必賤  
欲置二百萬碩輕貨則貨必貴矣上曰止令客舟運米  
抵京即京師糶錢為便安石曰臣本意亦及此然京師  
一歲欲糶二百萬碩米即恐米復賤兼數太多難糶恐  
亦須令發運司度諸路有米貴處折錢成變為輕貨乃  
便也九月二十九日賜陝西轉運司內藏庫絹百萬疋  
以其半分四路封樁餘易沿邊軍儲四年正月十三日

詔出權貸務五十萬貫助糴陝西軍糧復以京東支與河北封樁紬絹三十萬疋錢十萬還權貸務二月四日詔河東發民夫運糧輸邊可聽民從便就邈州糴糧送納河外糧草如稍有脩即停運及有可以寬民力者令轉運司從宜施行五月令河北轉運司於河東鄰近州軍雜支封樁錢內支錢十萬貫津置往太原以備軍費十五日詔給權貸務封樁銀十二萬七千兩絹一萬七千匹赴陝西轉運司糴軍儲十月十六日賜絹七十萬匹為陝西常平糴本仍許自京占人供抵當賒買於本路送納見錢五年四月三日詔三司出紬絹百萬付陝西四路經畧司變易以備邊用六年十一月二十六日

詔三司於永興秦鳳等兩路每年封樁解鹽內錢借鈔計百萬緡付秦鳳等路轉運司市計置熙河糧草仍詳酌邊儲隨緩急處增損三司所定鈔價錢二十七日詔涇原路年例外益以鹽鈔錢二十萬緡付經畧司市糧草封樁十一月二十四日詔借大名府提點刑獄司封樁茶稅錢八萬七千緡付河北東路都轉運司糴還儲七年十二月一日三司乞以京東路上供糧自明年後不折變錢依舊計置折變米並於河北近水潞州軍封樁以備邊用從之八年八月二十八日詔司農寺於河東沿邊近邊州軍豐稷處以三十萬緡計置糧草封樁九月三日詔大名府澶州各具馬二萬匹一年芻豆



封樁大名府令司農寺澶定州令都提舉市易司計置  
並限二年足十一月令三司支銀二十萬兩赴熙河路  
收糴糧草九年正月九日試將作監主簿歐陽濟言乞  
於京西汾江州縣輟斛斗二十萬石應付廣西支用如  
不足即於民間收糴從之仍令濟往計置二十一日詔  
賜秦鳳等路常平坊場免役剩錢一十萬貫令轉運司  
津制赴熙河路應付糴買芻粟二十八日詔先定熙河  
年每糴買人糧二十二萬碩馬料一十萬石草八十萬束  
以本路市易併茶鹽坊場息錢并熙河州酒稅課利充  
糴本仰具自後糴買次第聞奏二月二日詔司農寺於  
秦鳳等路本寺或銀絹見錢內更賜錢一十萬貫赴轉

運司令熙河路糴買芻糧六日賜陝西永興秦鳳路轉  
運司折二大錢各十萬貫糴買芻粟十二日詔荊湖廣  
南東西路轉運司如諸路運糧未到或支遣未足即依  
市價量添錢許於有蓄積之家收糴不過五分其情願  
入五分者聽三月十七日詔三司將陝西交子本務除  
約度留支還交子錢外將已支買鈔錢五萬貫均賜永  
興秦鳳路轉運司糴買糧草仍具已分定錢數以聞二  
十四日詔如聞今歲畿內夏田茂盛令司農寺剋削諸  
色見錢于府界屯兵縣分廣行收糴撥與三司却令以  
東南諸路折納到錢帛旋還四月九日中書門下言熙  
河路走馬承受長孫民臣乞支降見錢或銀緡絹赴本

路趁時糴博養漠人戶夏麥等戶房檢會近已令都提  
舉市易司計置物貨十五萬貫赴熙州市易司變轉見錢  
充本今欲更令市易司添錢五萬貫內十萬貫充熙州  
市易司本錢十萬貫令在京市易司入中本路糧草從  
之五月十八日中書門下言乞令像三司支銀帛依市價  
折美錢十五萬貫赴熙河路趁時計買糧草又言陝西  
諸州軍未般交子本錢二十六萬二千餘貫乞就近  
處分贖與永興秦鳳兩路轉運司應付收糴軍糧仍今  
日以後鑄到新錢逐旋支充納換交子錢等從之二十  
六日河東路體量程之才言和糴之法惟河東異於諸  
路民間所輸一碩纔及私市一斗之價乞以逐年和糴

之數減一分外以九分均入兩稅額內和糴價錢更不  
支給近已奉詔檢前後言和糴文字立法看詳河東和  
糴患有數多及貧戶所出不均若欲減數即須本路并  
計別有所出若欲均即須先體量見今不均次第合如  
何均定今欲令本路安撫提轄倉司同體量相度聞奏  
然後選官復行相度立法取旨從之七月二十四日詔  
永興軍等路轉運司封樁未監等錢並撥付廊延路糴  
買糧卓二十五日詔諸路轉運提舉府界提點司應折  
納斛斗並令逐旋取在市實價出榜許人戶情願折納  
仍臨時許量添價錢內五路如願以卓折者聽不得虧  
損官私及受納住滯仰分定州縣每月一次具市直添

錢折納數目以間先是手詔陝西兩路折納次負官司  
所估斛斗價直太抵小致人戶盤筭不足難於送納緣  
三邊累年荐饑賑發不少若不乘此豐稔多方收糴深  
恐向去或值災傷迺遷展移期限回循却致陷失可速  
議進呈故有是詔九月七日中書省言欲令市易司發  
錢三十萬緡於廊延環慶兩路同經畧司糴穀封椿其  
錢令本司指射撥還從之仍令市易司止於今次息錢  
內除破所支錢二十五日照河走馬承受長孫良臣言  
本路歲豐乞支見錢以廣糴於是中書言市易司見入  
中四十萬緡今欲更令市易就支本路錢十萬緡與秦  
鳳等路轉運司計置熙河糧草仍於息錢除破從之十

年二月二十三日三司言知定州薛向乞用見錢糴買  
草料欲乞下河北糴使司勘會市易司所買粮草比之  
鈔法如有利潤即乞合分定州軍糴買仍具利害間奏  
從之八月二日河北西路轉運司言懷衛相磁邢洛深  
趙州例皆豐稔緣本司常關糴本乞令本路提舉司於  
近裏八州郡常平收糴斛斗椿管候本司挪到錢撥與  
提舉司依元糴價充軍粮支遣詔司農寺令本路提舉  
司於常平倉存留一半錢內特借撥收糴斛斗仍細色  
不得過十萬碩九月七日知延州呂惠卿言今歲本路  
諸城寨秋稼收成轉運司糴本不多今欲將經畧司見  
管封樁錢二十一萬餘貫輒借委官分頭趁時收糴斛

斗且在本司管係若轉運司磨剋到錢却乞依至時市  
價先與斛斗支用却將撥到錢依舊封樁從之二十一  
日詔諸路轉運司今後於常平倉存留一半錢內借支  
收糴斛斗至撥還日計元糴價出息一分不及一年計  
月理息其提舉官諸司管勾官任內能以存留一半錢  
斛乘時糴糴亦計息分數等第推賞十一月十五日三  
司言陝西今歲秋田倍豐物斛至賤今欲乞支借錢  
六十萬貫分給兩路乘時糴買仍令監司就近<sub>印</sub>抄給  
付從之以上續國朝會要元豐元年正月二十五日詔  
河北東路沿邊糧留三年餘州留二年支遣外其餘聽  
依市直量減價糴毋損元價其錢封樁候歲豐糴及元

數閏正月九日詔河東路十三州歲給和羅錢八萬緡  
自今罷之以其錢付轉運司市糧草和知太原府韓絳  
乞精選才臣與臣及監司置局於府講求和羅利害乃  
詔三司戶部副使陳安石與韓絳同轉運司講求還儲  
利害絳已改和羅之法減放元數三分罷官支錢布但  
寬其支移之苦寔惠及於民遇災傷十七則又除之而  
安石言十三州二稅三十九萬二千餘碩和羅八十二  
萬四千餘石所以災傷舊不除免蓋十三州稅輕又本  
路特為邊儲理不可闕其和羅舊支錢布相半數既畸  
零民病入州縣之費以鈔貿錢於市人畧不收半公家  
寔費民間乃得虛名欲自今罷支羅錢歲支與沿邊州



郡市糴糧草封樁遇災傷據民不能輸數補填如無災傷三年一免輸以封樁糧草充數即不須如韓絳議減數二分及災傷十七除之乃以安石為河東都轉運司悉推行之故有是詔二十七日廣南西路轉運司言桂州增屯兵馬乞於金永等州撥糧二十萬碩及於衡州鑄錢監給鹽萬緡應付支遣詔糧於荆湖南路轉運司撥錢以本路去年未起發年額等錢五萬三千餘緡充具軍興所餘後來已支見在數以聞二月四日淮南東路提舉司言收糴并折納到斛斗除準備外所管納八十餘萬石慮將來陳積難以轉移况本路甚闕見錢聞京東水災乞預令收聚本錢和於淮東近便州縣或自

清河運致據數撥還糧穀却於折糴本錢上聽量出息  
其步來亦令常認詔京東淮南東路提舉官於界首會  
議以聞二十五日河東都轉運司陳安石言年穀屢登  
合廣計置乞於河北權住糴見錢京鈔內支三十萬緡  
市糧單以備朝廷緩急移用如積欠今轉運司依常平  
兌換詔給鈔十五萬緡餘從之三月五日廣南西路轉  
運司乞下荆湖南路轉運司兌支全永二州糧為桂州  
軍儲詔經畧安撫司同轉運司相度減戍兵於全永就  
食以上仇漸通咸夏北兵不耐暑可移桂州戍兵過嶺  
就食全永不惟寬轉餉之力又得滯粟以時變易不  
致積欠陳七月十三日詔諸路轉運及開封府界提點  
司椿管關額禁軍請受據元額月給錢糧委提點刑獄

及府界提舉司拘收於所在別封樁十八日詔三司勘  
當江南西路轉運司如去年糧綱起發已辦宜免折變  
見錢外仍下發運司具析於六路數錢不均及併差官  
在江南西路剗刷因依以聞初有旨聽發運司據逐路  
未運糧百萬石折變見錢至是江南轉運司訴以年額  
轉運田畝以年額轉漕已足兼令於六路均出今發運  
司獨令本路折變六十萬石又別遣官起本路見錢靡  
有子遺遣編敕量留準備糴置三年為糧之法故有是  
詔二十四日詔諸路封樁闕額禁軍請受可令樞密  
旨司注籍輒支用者如擅支封樁錢帛法八月四日詔  
擬提舉河北糴便司錢鈔十萬緡應付河北路轉運司

秋糴五日詔三司借明年解鹽鈔五十萬緡付陝西路都轉運司市糧草二十六日詔賜錢二十萬緡付鄜延路經畧司市糧草封樁九月十一日三司言河東都轉運司乞續支京鈔見錢三十萬緡計置軍儲今欲依糴買封樁糧草例於末鹽錢內支錢一十萬緡換作本路交引收附與轉運司計置極邊糧草却以末鹽錢撥歸省司從之十五日環慶等路計議措置邊防徐禧言陝西路至並邊豐稔乞錢一百萬緡分借逐路經畧司計置令轉運司續還詔提舉成都府等路茶場司撥錢五十萬緡付經畧司市糧草封樁仍令三司支解鹽鈔五十萬緡付陝西路轉運司市糧草十九日詔三司續支

未盈錢二十萬緡付河東轉運司市糧卓十一月二十四日提點倉場司沈希顏歲請撥糴本錢二十萬緡付廣濟河輦運司糴糧赴關如及四十萬碩特與酬賞詔三司相度十二月十七日詔陝西提舉鑄錢司大銅錢十萬緡付轉運司市糧卓二年正月三日詔北京澶州封樁糧卓糧六百七十餘萬碩卓千七百餘萬束委安撫司專領二十二日詔三司出銀細絹及未盈錢銀二十萬緡賜河北轉運司以糴軍儲二月六日詔河北東路提舉司借常平錢四萬緡分給大名府澶州糴軍糧二十九日經制熙河路邊防財用司言本路州軍歲遣官置場和糴遇穀價貴即出糴收息乞視所收息錢爲

緡以上賞之與減磨勘一年內選人免試與優便差違  
每二萬緡循一資從之六月十八日鄜延路經畧司呂  
惠卿乞立定緣邊逐路歲計糴買糧草數詔遣檢正中  
書禮房公事王震往陝西轉運司依惠卿請并注原環  
慶秦鳳熙河路取索會計寔數同經畧轉運司連書以  
聞七月二十二日會定陝西五路年計王震言異時陝  
西糧草取具於轉運解鹽司時調中都以佐緩急送受  
待用宜有定法今茲遣使攷計使上其寔此要事也願  
得以五路應屯之兵以率歲費通一歲豐凶之中約以  
物價量三司轉運司常辦之數以賦五路而加足焉以  
立再歲之定法從之八月十三日都提舉市易司言本

司歲出本錢計置畿縣第四等戶體量草關開封府界  
提點司而提點司自熙寧八年至去年尚通草價十三  
萬緡乞限歲終仍自今委三司隨秋稅催促提舉司勾  
收封樁聽從本司支用如敢借<sup>充</sup>支違乞論如封樁錢  
法又乞選本司幹當公事官一員專管簿籍並從之凡  
月二十四日詔以永興軍路常平倉穀十九萬石給廊  
延路九將守禦之用餘令轉運司以漸計置以廊延路  
言歲計軍食二十七萬餘石而常平無餘故也二十六  
日賜發運司糴本錢百萬緡令糴穀如逐路歲計未足  
以所糴充數上供報轉運司今依和糴最高價并計糴  
運之費限一季償錢二年六月十二日三司言河北糴

便糧草鈔價本以見錢法一等給還後別立草料錢以銀細絹及茶本錢折商人無利遂增草料虛錢難以銀細絹估直又令筭請香茶權罷給銀亦入納未至通行至於人糧交引品搭分数抑勒入納昨薛向乞用見錢法糴買當時三司以錢不給又即如舊今勘會細絹本非河北京東高人所須交引鋪以賤價取之坐獲厚利若不申明恐牽制人糧例增虛錢寢害邊計乞並依人糧例入納出鈔更不許抬價錢市易務下界亦依人糧鈔法給還若關見錢三司應付其已前鈔自依舊法從之十三日詔司農寺於永興軍等路給常平倉穀十八萬石充環慶路將下守禦及緩急漢蕃弓箭手闕乏借



貸九月五日詔賜茶場司錢三十萬緡付涇原路安撫司羅買糧草封樁閏九月二十二日涇原路都總管司走馬承受梁安禮言本路粟床蕎麥大豆等豐稔詔經制變運川陝路司農錢物李元輔於已運到鳳翔府等處見在內支絹十萬匹銀五萬兩與涇原路經畧安撫司收羅糧斛封樁四年正月十三日涇原路經畧安撫使司言被旨逐次羅買糧草令轉運司交割與經畧司計置外其羅買錢每年夏秋各分為三分轉運司預封樁夏自四月至六月秋自七月至九月每月應付一分從經畧司關報合樁管處即羅買擁併未及次限許權借轉運司封樁錢其羅買鈔令三司依限發付經略司從

本司支赴逐州軍折博務書填并稅數合行支移亦從  
本司計會轉運司同相度依例移撥支折若遇災傷減  
放分数即契勘所減糧草碩米錢數於合納州縣鎮寨  
會勘別司見在錢物奏乞搬撥仍乞選差監糴官一員  
添置勾當公事一員從之仍令鄜延環慶秦鳳路依此  
三月二日詔經制熙河邊防財用司於歲額錢內支三  
十萬緡赴熙河二十萬緡赴河州置場糴糧斛斗封樁  
五年正月十八日詔河北都轉運司塞周輔乞應結糴  
封樁穀所收息錢並令措置糴便司收從之二十四日  
詔開封府界諸路封樁禁軍出額錢除三路外及淮浙  
江湖等路增剩鹽錢江西賣廣東鹽福建路賣鹽息錢

並輸措置河北糴使司先借支內藏庫錢三十萬緡與河北糴使司以福建路鹽息逐二月三日詔借撥茶場司錢四十萬緡付秦鳳路經畧司市糴糧草五月二十八日詔陝西都轉運司已收司農寺錢二百萬緡內藏庫銀三十萬兩並鈔二百萬緡可均給諸路廊延環慶涇原路委轉運司秦鳳路委都轉運司熙河路委經畧司乘夏熟於沿邊市糴軍糧封樁以湏軍事七月二十四日河東轉運司言歲事甚豐糧草價賤諸州府見在朝省封樁錢約十萬緡乞付本司補助糴買詔河東雖得豐歲可依所乞外更經劃應付二十九日詔河北路都轉運司借支澶州封樁軍糧五萬碩特除之自今河

北三州封樁軍糧如敢請借支者依擅支封樁錢物法  
八月五日詔河東轉運判官蔡燁專主管每年入中或  
移稅糴從便計置軍糧十萬碩於吳堡寨永寧關封樁  
斗不得過百五十其價錢於絳州垣曲監撥還仍令陝  
西轉運司計置運入米脂寨即不得充充吳堡寨永寧  
關經費十月二十六日詔給內藏庫錢百萬緡與熙河  
路尚書戶部右曹錢百萬緡與廊延路及今吳雍發陝  
西諸司及封樁錢三百萬緡分與環慶涇原秦鳳三路  
計置糧草十二月二十三日詔陝西封樁錢內支三百  
萬貫分環慶涇原秦鳳路乘時市糴糧草六年正月二  
十二日詔河北諸司糴價不得過措置糴便司五月二

十日河東路轉運司言昨自軍興以來費用浩瀚又新  
收復葭蘆吳堡寨增置官屬及屯兵馬支費倍多近被  
旨令用鈔廣謀收糴但本司缺錢支用詔宜依每年例  
給六月四日制置發運司言本司元豐二年被旨賜糴  
本以一百萬緡為率至今截撥未足况每年總般江淮  
荆浙六路上供年額六百二十萬碩逐路出限不到萬  
數甚多全賴糴本錢乘時加糴起發上供應辦年計今  
準淮南路催促錢帛所牒會問數目本司以無聖旨難  
以供報然恐其別有申陳詔糴本錢係朝廷賜令不得  
一例起發八月十三日知荆南謝麟言邕宜欽廉州及  
緣邊堡寨軍戍之地皆無二年之蓄乞乘此豐歲更給

度僧牒付廣東西湖南轉運司應付宜州蠻事之餘令  
廣西等路於近便州縣糴糧公派運廣封樁詔歲給度  
僧牒五百限五年止為錢三十二萬五千緡付廣西經  
略司應付宜州蠻事以其餘糴糧九月七日權發遣陝  
西路轉運副使范純粹言奉旨令廊延環慶涇原秦鳳  
路經略司熙河蘭會路經畧安撫制置使司各於軍須  
錢內撥見錢二十萬差官赴時糴買糧草封樁望許臣  
與劉昌祚詳議城砦緊漫以轉運司年計糴本及軍須  
錢帛并見錢公據隨宜分劈凡合當計置處止作一場  
糴買委劉昌祚與臣同共督責官吏赴時儲積候糴買  
畢却<sub>日</sub>回算年計軍需錢本各依案名樁管除以年計數

充經費外其軍須錢物所糴買到數目依本條施行其  
經畧司取撥軍須錢二十萬貫指揮乞更不施行上批  
所申陳利害之理甚明且依所奏十月三日陝西轉運  
副使李察言沿邊州軍糴買粮草官乞委監司考較每  
州各定一員優劣行賞罰從之河北東準此七年正月  
十七日詔尚書戶部支積剩錢百萬緡付熙河蘭會經  
略安撫司於新境計置粮草修繕守具十九日范純粹  
言昨王震會定五路錢物以沿邊糴買錢鈔付逐路經  
略司管認糴入支遣昨日軍興以經畧司專治兵旅遂  
令轉運司復主管至今乞罷沿邊粮草職事並依元降  
會定朝旨詔兵食相須實為一事况熙河路已總於李

支作及

憲等故得首尾相關財用出納稍能省各則諸路無有  
不可兼領之理自今陝西軍須經費經畧轉運司隨路  
通管其餘職事毋得侵紊既而陝路轉運副使王欽臣  
言出納之吝為之有司不愛財用將帥之事若合為一  
職則勢有所不行乞仍舊使從之其正月十九日指揮  
更不施行二月一日河北轉運使措置河北糴便吳雍  
言見管人糧馬料總千一百七十六萬碩奇贏相補可  
支六年河北十七州邊防大計倉廩充實同措置王子  
淵在職九年悉心公家望考察成効以勸才吏詔賜子  
淵紫章服三月二十九日詔聞河北瀛定二州元豐五  
六年及接今歲提舉糴買封樁糧草司所糴糧數以鉅



萬而散於諸處寄糴緩急七集大軍遠近不相及兼新  
倉殆為虛設又寄糴處多無守具若令漸運入新倉則  
其費不貲不若聽商人自運為便恐不須寄糴宜下本  
司具晰既而李南公王子淵言寄糴法行之已久如保  
州廣信安肅北平等軍在定州之北係極邊要切儲蓄  
之地真定府祁州永寧軍亦係次邊合行計置軍儲處  
與都倉相去皆近便緩急取尅日可到或容本司計  
置兌移即可以並歸都倉瀛州都倉計糴利害亦如此  
今若使客人盡知官中必於都倉收糴非高價未肯入  
中則必為之增價寄糴之利不惟於都倉無所妨兼亦  
平準物價使輕重之權不為兼并所制從之五月六日

賜鄜延路經畧司見錢鈔五十萬緡乘秋稔市易糧以  
劉昌祚言軍資庫及轉運司軍需年計纔可支三兩月  
也二十四日戶部言河北轉運司借支河北糴便司封  
樁及舊糴便司三司封樁糧六十餘萬碩無寬剩錢物  
撥還乞除放詔通限十年還六月五日詔封樁糧準依  
次年以新物兌換十三日知太原府呂惠卿言本路歲  
稔糴十萬碩送鄜延路支移太遠民不便乞罷應副止  
令陝西路轉運司自計置其價錢依河東路元降指揮  
於垣曲監撥還詔自今河東陝西各自計置五萬碩罷  
支垣曲監錢七月二十九日陝西轉運司言通判延州  
吳安憲準詔與鄜延路經畧轉運司籌度於要近城砦

多聚糧草今延州秋稼不稔民戶不能蓄積以待價必  
為射利之人乘時<sup>賤</sup>取開糴以待官場之急延州諸縣  
去城峇近者十里遠者百里今秋應納青苗免役為錢  
十三萬緡欲定地里遠近加饒法令民於諸城寨折納  
轉運司撥運提舉司若如安憲所言則公私交便從之  
八月五日河東經畧司呂惠卿言河外沿邊秋稼登稔  
可市糧草依將來官糴<sup>與</sup>價轉運司易錢鈔及令內地支  
移民戶出脚直以便公私乞先給錢三十萬緡在京椿  
管許以償本司糴買鈔撥本<sup>錢</sup>司舊封椿留糧為年計以  
所糴買封椿歲終以聞從之支末鹽錢三十萬緡七日  
秦鳳路經畧使吳雍言秦州乾草纔支半年望賜錢三

錫  
作  
賜

五十萬緡依五路常平法計置詔戶部支常平積剩錢  
二十萬緡二十九日支常平積剩錢五十萬緡付熙河  
蘭會路經畧制司市糧準九月四日照河蘭會路邊防  
財用司上歲計合用錢市糧準詔歲給錢二百萬緡以  
本司十案息錢川路苗役積剩錢續起常平積剩錢各  
二十萬緡茶司錢六十萬川路計置物帛赴鳳翔府封  
樁坊場錢三十五萬陝西三銅錢監錫本脚錢二十四  
萬八千在京封樁券馬錢十萬裁減汴綱錢十萬二千  
充自來年始戶部歲給公據關<sub>送</sub>候元豐十年終令經  
制司具支在數以聞二十六日尚書戶部言元豐二年  
三司借未監錢五十萬緡市糧限四年還今已限滿欲

望均作十年還自今年始又熙寧十年借本庫錢尚欠  
四萬二千餘緡亦乞依此從之十月一日詔支末監錢  
鈔二十萬緡付河東轉運司市糧草三日同經畧熙河  
蘭會路邊防財用馬申言糴買金在冬春之交乞十月  
後印結次年監鈔限正月至本路下戶部戶部乞依秦  
鳳等路吏部差使臣於正月下旬押赴經畧司從之九  
日詔內藏庫支紬絹各五十萬匹於熙寧會州經畧司  
格十一日河東經畧使呂惠卿言近支末監錢二十萬  
緡付本路糴買復準戶部符給銀錢紬絹鈔入中不行  
乞於在京樁管見錢從本司出鈔糴買或令人入便其  
戶部鈔見在本司河東轉運副使孫覺言本司料秋稅

糧草經略司令民折納錢如朝旨許經略司以支移糧  
草折納即乞令經略司一面管認應副本司支移年計  
糧草詔並依所請已出鈔令戶部收糴其經畧司折納  
轉運司支移年計糧草本司依數管認應付餘令轉運  
司計置○哲宗元祐元年正月十四日戶部言河東路  
轉運司給支優賞致闕糴本詔特支未盡鈔一十萬緡  
三月八日詔令後屯泊戍兵食不盡糧願坐倉收糴者  
毋過三之一以諸路經略等司言其便故也六月二十  
六日詔陝西路轉運司收糴斛斗充沿邊五年之蓄八  
月一日詔諸路提點刑獄司兼有糴本之時委豐縣州  
縣廣行收糴仍令少糴麥豆多糴穀米其南方及川界

卑濕之地難以久貯者相度逐州縣合用數收糴候市  
價比元價稍增即行出糴不得令積壓損壞仍令州縣  
各將十年價例比較立定貴賤酌中之價又逐色價分  
為三等每遇豐歲斛斗價賤至下等即添錢收糴凶年  
斛斗價貴至上等即減錢出糴若市價只在中等之內  
即不糴十一月四日戶部言糴買糧斛除陝西河東北  
依舊制外餘路欲令轉運司遇闕年額聽於提刑司依  
常平錢元價充糴仍先椿撥價錢不椿而輒支依擅支  
封椿法從之二年五月四日戶部言河東二十一州軍  
和糴欲並於見納年額十分中取八分為額各隨戶色  
分數減定更不給錢遇災傷隨秋稅分數減放以轉運

司應給價錢補之其以四色糧草互相折納及折納泰  
 秣米並仍舊如本戶災傷不及五分聽依久例支移不  
 得補修有科折及請易和糴之名為助軍糧草從之二  
 十六日戶部言近準詔旨令諸路乘時廣行收糴今請  
 州縣長吏及糴官以所管錢計所用糴本分数等第定  
 賞著為令從之三年五月十六日賜陝西路轉運司銀  
 絹共四十萬乘時收糴以廣蓄積六年七月二十四日  
 尚書省言轉運司應糴買而缺本錢者報提刑司借封  
 樁錢糴到隸提刑司方得借次料轉運司依元價樁錢  
 盡數對撥遇豐歉可以廣糴旋關提刑司封樁若轉運  
 司要聽依元價先樁錢據數兌撥其未樁撥價錢輒支



用者論如擅支封樁錢物法從之八月八日詔今年諸  
路監糴官如糴及賞律並於合用獎酬上遞增一等推  
恩